

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

- उपराज्यपाल मनोज सिन्हा होरें भारतीय बपार संघ दे एमएसएमई कनक्लेव गी संबोधत कीता। उनें आखेआ ते केन्द्र सरकार जम्मू कश्मीर च उद्योगी विकास गी जकीनी करने लेई हर संभव सहायता देने लेई वचनबद्ध ऐ।
- उपमुख्यमंत्री सुरिन्दर चौधरी होरें श्रीनगर आले हडिङ्ग ते जोड़े दे अस्पताल दा व्यापक दौरा लाया ते चला'रदे कम्में दी प्रगति दा जायजा लैता।
- खुराक नागरिक आपूर्ति ते उपभोक्ता मामले दे मंत्री सतीश शर्मा होरें जम्मू कश्मीर दे सारे जिलें च 16 सौ वाजिब भाएं आलियां दुकानां खोलने दी घोषणा कीती।
- मुख्य सचिव अटल डुल्लू होरें सेहत मैहकमे आस्सेआ चलाए गेदे टी.बी मुक्त अभियान दी प्रगति दा जायजा लैता।
- उधमपुर दियां डिप्टी कमीशनर होरें नत्था टॉपच बनाए जा'रदे पर्यावरण अनुसंधान केन्द्र दे कम्में दा जायजा लैता।

<><><><><><>

LG-MSME

उपराज्यपाल मनोज सिन्हा होरें जौहके, भलेया लौहके ते दरमेयाने दर्जे दे एद्यमें सरबंधी एमएसएमई कनक्लेव 2025 गी संबोधत कीता जेहदा आयोजन भारतीय बपारमंडल आस्सेआ कीता गेदा हा। अपने संबोधन च उपराज्यपाल होरें जम्मू कश्मीर च उद्यमियता गी बढ़ावा देने लेई केन्द्र सरकार आस्सेआ हर मुमकिन मदाद दा भरोसा दोआया। उनें आखेआ जे भारत सरकार एहदे लेई पूरी चाल्ली वचनबद्ध ऐ। इस मौके पर उपराज्यपाल होरें उद्यमिएं बैंकर निवेशकें, कारोबारिएं ते माहिरें दा सुआगत कीता ते इस खेत्तर च मौके तलाशने ते रली मिलियै कम्म करने दा आह्वान कीता। उपराज्यपाल होरें आखेआ.....

उपराज्यपाल होरें अगगे आखेआ जे उंदा मकसद जम्मू कश्मीर गी उद्यमिता केन्द्र ते रोजगार दे मौके पैदा करने दा इक प्रमुख केन्द्र बनाना ऐ।

<><><><><><>

Dy CM(byte)

उपमुख्यमंत्री सुरिन्दर चौधरी होरें श्रीनगर च हड्डियां ते जोड़े दे अस्पताल दा झौरा लाया ते चला'रदे विकास कम्में दी समीक्षा कीती। इस दोरे दा मकसद ढांचागत कम्में दा जायजा लैना ते इस गल्ला गी जकीनी बनाना हा जे ओह मित्थे गेदे समें अंदर गै पूरे होन तां जे लोकें गी बेहतर सेहत सहूलतां हासल होई सकन। उपमुख्यमंत्री होरें अस्पताल दी नमीं तैआर इमारत झा निरीक्षण कीता। उनें कम्म करा'रदी अजेंसिएं गी हिदायत कीती जे ओह कम्में दी रफ्तार गी तेज करन ते कम्में दे मयार गी बी बनाई रखन। उनें केन्द्र शासत प्रदेश दे लोकें दे कल्याण लेई ते उंदी भलाई बेहमरी आले विकास कम्में दी रफ्तार गी बधाने लेई सरकार दी वचनबद्धता गी दोहरया। उनें आखेआ.....

<><><><><><>

Demand For Grants

खाद्य सिविल सप्लाई ते उपभोक्ता मामले दे मंत्री सतीश शर्मा होरें घोषणा कीती जे जम्मू कश्मीर दे सब्बने 20एं जिलें च वाजिब भाएं आलियां 16 सौ दुकाना खोलियां जांगन। उनें विधानसभा दे सब्बै सदस्यें गी सलाह दित्ती जे ओह अपने अपने हल्कें च इनें दुकानें लेई लोड़चदा समेयान ते होरनी जरूरी चीजें बारे संज्ञान लैन तां जे जिनें थाहरें पर एह दकान खोलने दा समर्थ ऐ, ओहदे बारे पता लग्गी सकै। मंत्री होर जिंदे कश होरने मंत्रालयें दा प्रभार बी ऐ, विधानसभा च अनुधान मंगे पर चर्चा दा परता देआ'रदे हे। मंत्री होरें एह बी घोषणा कीती जे अगले शैक्षणिक सत्र 2025–26 थमां बक्ख–बक्ख पेशेवराना कोर्से च दाखले लेई ई–कौंसलिंग सरिस्ता बीओपीईई राएं कीता जाग।

<><><><><><>

Sec. DARPG

प्रशासनिक सुधार ते लोक शकैतें सरबन्धी मैहकमे दे केन्द्रीय सचिव बी.श्रीनिवास जेहड़े जम्मू कश्मीर सनें होरने राज्यें ते केन्द्र शासत प्रदेशें च अनुपालन दे बोझ च कमी आन्नने यानि कि सरकारी प्रक्रियाएं गी सखल्ला बनाने लेई कुसै बी गैर जरूरी जियम, कनून जां मानक दी पालमा घट्ट करना एहदे लेई इक केन्द्रीय टास्क फोर्स दा नेतृत्व करा'रदे न। उनें किश प्राथमिकता आले क्षेत्रें गी रेखांकित कीता ऐ तां जे अनुपालन दे बोझ गी घट्ट करियै आम लोकें लेई सरकारी प्रक्रियाएं गी सखल्ला बनाया जाई सकै।

इस बैठक दी अध्यक्षता मुख्य सचिव अटल डुल्लू होरें कीती। बैठक दरान केन्द्रीय सचिव होरें इस पैहलु दे महत्प गी उजागर करदे होई आखेआ जे पैहली बारी केन्द्रीय सचिव गी सुधार कार्यक्रम तैहत् निर्धारत लक्ष्यें गी हासल करने लेई राज्यें ते केन्द्र शासत प्रदेशें ते केन्द्र सरकार मझाटे राबता बनाने दा कम्म सौंपेआ गेआ ऐ जेह्दी निगरानी प्रधानमंत्री नरेन्द्र मोदी होर आपूं करा करदे न।

<><><><><><>

Passing Out Parade

बड़ी ब्राह्मणा दे फॉयर ट्रेनिंग कालेज च पैहले पैहले बैच दी पासिंग आउट परेड दा सरिस्ता कीता गेआ। जेह्दा आयोजन सखत्रुएं दी अगग साहलने सरबंधी सिखलाई मुकम्मल होने पर कीता गेदा हा। परेड च फॉयर ते इमरजेंसी सर्विस दे ढरैक्टर एडीजीपी अलोक कुमार होरें मुख्य परौहने दे तौरा पर शिरकत कीती। अपने संबोधन च डरेक्टर होरें सखेत्रुएं गी उंदी लगन ते अनुशासन लेई प्रशंसा कीती ते उनेंगी बहादुरी अखंडता ते पेशेवराना तरीके कन्नै अपनी सेवा देने लेई उंदा दिल बधाया। इस मौके पर जाकिर हुसैन होरें गी इंडोर बेस्ट ते ऑल राउंड बेस्ट घोषत कीता गेआ जिसलै के रेशमा मंजूर होरें गी आउटडोर बेस्ट घोषत कीता गेआ। इनेंगी अपनी सिखलाई दरान बेह्तररीन प्रदर्शन लेई संबोधत बी कीता गेआ।

<><><><><><>

CS-TB

मुख्य सचिव अटल डुल्लू होरें सेहत् मैहकमा आस्सेआ चलाए गेदे टी.बी मुक्त अभियान तैहत् होई दी प्रगति दी समीखा करने लेई इक बैठक दी अध्यक्षता कीती। जम्मू च टी.बी दे बधदे मामलें दा संज्ञान लेंदे होई मुख्य सचिव होरें असी चिंता आला विषय दस्सेआ। उनें एह्दे कन्नै निबड़ने लेई बेह्तर रणनीति बनाने दी जरूरते पर जोर दित्ता। उनें जोर देइयै आखेआ जे इस अभियान दी कामयाबी जमीनी सतह पर टी.बी दे मामले च टकोह्दी कमी कन्नै नजरी औना लोड़चदी। इस मौके पर उनें पंचैत गी टी.बी मुक्त घोषत करने लेई अपनाए गेदे पैमाने बारे बी जानकारी हासल कीती। एह्दे इलावा मुख्य सचिव होरें 100 दिनें दे टी.बी मुक्त अभियान तैहत् हासल प्रगति दा दस्तावेजीकरण करने लेई बी आखेआ।

<><><><><><>

Climate Res Satation

उधमपुर दियां डिप्टी कमीशनर सलोनी राय होरें चनैनी सब-डिवीजन तैहत् औंदे मंडलोत नत्थाटोंप ग्रां थाहर चला दे पर्यावरण अनुसंधान केन्द्र दे कम्मकाज दा जायजा लैता। उनें पत्नीटोंप थाहर प्रस्तावित पार्किंग आली सुविधा दा बी जायजा लैता।

पर्यावरण अनुसंधान केन्द्र दे कम्में दा निरीक्षण करदे होई डिप्टी कमीशनर होरें मुत्तलका अफसरें गी हिदायत जारी कीती जे ओह परियोजना पर नेइमी तक्क रखन ते इसी समें सिर पूरा करोआने दे कन्नो कन्नी एहदे म्यार गी बी बनाई रखन। उनें कम्में दी रफ्तार गी बध्तरले लेई आखेआ। मगरा डिप्टी कमीशनर होरें मुत्तलका अफसरें गी हिदायत कीती जे ओह पत्नीटॉप थाहर पार्किंग सुविधा विकसित करने आले कम्में गी बी तेज करन तां जे यात्रुएं गी सहूलत होई सकै।

<><><><><><>

Kishtwar Compost

किश्तवाड़ दे डिप्टी कमीशनर राजेश कुमार शवन होरें कल गिल्ले कचरे दे प्रबंधन बारे इक इकाई दा उद्घाटन कीता। एह जतन इक हिस्सा ऐ कचरे दे प्रबंधन ते ओहदा निपटारा करने आली भेठा। नमीं कायम इकाई दा निर्माण 22 लक्ख रुपे कन्नै होआ ऐ ते एह 5 सौ किलोग्राम कचरे दा नबेड़ा इक्कै बारी करी सकदी ऐ। इसगी बागबानी योजना ते मार्किटिंग मैहकमे आस्सेआ रलियै विकसित कीता गेआ ऐ। डिप्टी कमीशनर होरें कचरे दे सेई चाल्ली दे प्रबंधन पर जोर पाया ते म्यूनिसिपल प्रशासन गी हिदायत कीती जे ओह गिल्ले कचरे गी किट्ठा करन।

<><><><><><>

PM-MKB

प्रधानमंत्री नरेन्द्र मोदी होर म्हीने च इक बारी प्रसारत होने आले अपने रेडियो कार्यक्रम “मन की बात” इस बारी 30 मार्च गी देश विदेश च रौहने आले श्रोताएं कन्नै बचार सांझे करगंन। हर म्हीने दे खीरले ऐतवार बडलै 11 बजे प्रसारत होने आले इस कार्यक्रम दी एह 120मीं किश्त होग। कार्यक्रम च शामिल करने लेई लोक अपने बचार ते सुझाह 28 तरीक तगर टोल फ्री नंबर 1800-11-7800 पर भेजी सकदे न। एहदे इलावा लोक अपने बचार My Gov ते नरेन्द्र मोदी ऐप पर बी भेजी सकदे न। एह कार्यक्रम आकाशवाणी ते दूरदर्शन दे समूलचे नेटवर्क दे इलावा न्यूज ऑन एयर मोबाइल ऐप पर बी उपलब्ध रौहग। एहदे कन्नो कन्नी एहदा सिद्धा प्रसारण ए.आई.आर न्यूज, डीडी न्यूज, प्रधानमंत्री हुंदे दफ्तर ते सूचना ते प्रसारण मंत्रालय दे यूट्यूब चैनलें पर बी कीता जाग। आकाशवाणी जम्मू पर मन की बात दे तुरत मगरा एहदा डोगरी च अनुवाद प्रसारत कीता जाग। एहदा डोगरी अनुवाद तुस रातीं 8 बजे इक बारी परतियै सुनी सकदे ओ।

<><><><><><>